

**ԽԱՉԱՏՈՒՐ ԱՐՈՎՅԱՆԻ ԱՆՎԱՆ ՀԱՅԿԱԿԱՆ ՊԵՏԱԿԱՆ ՄԱՆԿԱՎԱՐԺԱԿԱՆ  
ՀԱՄԱԼՍԱՐԱՆԻ**

**ԳԻՏԱԿԱՆ ԽՈՐՀՈՒՐԴ**

**Ո Ր Ո Շ ՈՒ Մ**

**2017 թվականի հունիսի 30-ի N 2- L**

Ղեկավարվելով «Խաչատուր Աբովյանի անվան հայկական պետական մանկավարժական համալսարան» հիմնադրամի կանոնադրության 48-րդ կետի 14-րդ ենթակետով և լսելով համալսարանի շրջանավարտների ամփոփիչ ատեստավորման ավարտական քննությունների մասին (զեկուցող՝ պրոռեկտոր Մհեր Մելիք-Բախշյան),

**Գիտական խորհուրդը որոշում է.**

1. Մանկավարժական մասնագիտությունների բակալավրի կրթական ծրագրի ամփոփիչ ատեստավորման հանրագումարային գնահատականը (իրականացվում է 100 միավորանոց սանդղակով) ձևավորել երկու բաղադրիչներով՝ հետևյալ սկզբունքով.

- ա) մանկավարժական պրակտիկաների միջին գնահատական՝ 30 % մասնաբաժին,
- բ) ավարտական աշխատանք (ռեֆերատ)՝ 70% մասնաբաժին,
- գ) լրացուցիչ մինչև 10 միավոր կարող է հատկացվել կամավորական գործունեության համար:

**2. Հանձնարարել՝**

ա/ ֆակուլտետների դեկաններին և համահամալսարանական ամբիոնների վարիչներին քննարկել «Խ. Աբովյանի անվան հայկական պետական մանկավարժական համալսարանի շրջանավարտների ավարտական աշխատանքների կազմակերպման և իրականացման» կարգը և ներկայացնել առաջարկություններ ու դիտարկումներ ներկայացված փաստաթղթի վերաբերյալ:

բ/ Աշխատակազմի և միջազգային համագործակցության գծով պրոռեկտոր Արա Երեմյանին մինչև ս.թ. սեպտեմբերի 1-ը մշակել «Ուսանողների կամավորական գործունեության և կամավոր աշխատանքի մասին» կարգը:

գ/ Ֆակուլտետների խորհուրդներում և ամբիոնների նիստերում քննարկման առարկա դարձնել հանձնաժողովների նախագահների արված առաջարկություններն ու դիտողությունները և համապատասխան միջոցներ ձեռնարկել նկատված թերությունները վերացնելու համար:

3. Խ. Աբովյանի անվան հայկական պետական մանկավարժական համալսարանի գիտական խորհրդի 2016թ. հուլիսի 6-ի նիստում հաստատված ուսումնական աշխատանքների ծավալների հաշվարկի չափորոշիչների 8-րդ կետը շարադրել հետևյալ խմբագրությամբ.

№	Աշխատանքի ձևը	Դասաբաշխման հաշվարկի չափորոշիչները	Ժամաքանակի միավորը	Կատարողը
8.	Ավարտական աշխատանքի ղեկավարում	Յուրաքանչյուր աշխատանքի համար	8, որից	
		ա) ղեկավարին	7	Ղեկավար
		բ) գրախոսին	1	Գրախոս
		Դասախոսը կարող է ղեկավարել մինչև 10 աշխատանք		

**Գիտական խորհրդի նախագահ՝**

**Ռուբեն Միրզախանյան**